

Broj: 04-05-1013-03/15
Mostar, 18.02.2016. godine

Na osnovu člana 37. i člana 51. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 236. stav (3) i člana 237. stav (1) Zakona o upravnom postupku („Službene novine Federacije BiH“ broj 2/98 i 48/99), te člana 65., člana 70. stav (2) i člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), kao i člana 24. Opštih uslova za isporuku električne energije („Službene novine Federacije BiH“ broj 89/14), postupajući po žalbi na Rješenje broj: III-I-M-2200/15 od 05.10.2015. godine, koje je donijelo JP „Elektroprivreda HZ HB“ d.d. Mostar Distribucija električne energije, Distributivno područje Jug, Pogon Mostar, Poslovnica „Elektro-Mostar“ koja je dostavljena FERK-u preko JP „Elektroprivreda HZ HB“ d.d. Mostar 03.12.2015. godine, pod brojem 04-05-1013/15, a koja je kod istog primljena 27.11.2015. godine, podnosioca žalbe M.P. iz M. zastupanog po Odvjetničkom društvu M.M. & P. iz M., Regulatorna komisija za energiju u Federaciji Bosne i Hercegovine – FERK je, na II redovnoj sjednici održanoj u Mostaru dana 18.02.2016. godine, donijela

RJEŠENJE

1. Odbija se žalba M.P. zastupanog po Odvjetničkom društvu M.M. & P. iz M., podnesena protiv Rješenja broj: III-I-M-2200/15 od 05.10.2015. godine, koje je donijelo JP „Elektroprivreda HZ HB“ d.d. Mostar Distribucija električne energije, Distributivno područje Jug, Pogon Mostar, Poslovnica „Elektro-Mostar“, kao neosnovana.
2. Ovo rješenje je konačno i stupa na snagu danom donošenja, te se dispozitiv ovog rješenja objavljuje na oglasnoj tabli i internetskoj stranici FERK-a.

v.d. PREDSJEDNICE FERK-a
Sanela Pokrajčić